



Broj: 02-03-253/2019.
Sarajevo, 26.02.2019. godine

Na osnovu čl. 18. stav (1), čl. 87. stav (1b) i čl. 90. Zakona o javnim nabavkama („Sl. glasnik BiH“, broj 39/14), člana 2. tačka 3. Pravilnika o postupku direktnog sporazuma („Službeni glasnik BiH“, broj: 90/14), čl. 2 i 5 Pravilnika o postupku Direktnog sporazuma Kantonalnog stambenog fonda Sarajevo, Direktor Fonda kao Ugovornog organa, d o n o s i

ODLUKU

o pokretanju postupka javne nabavke usluga: Troškovi osiguranja -sistematski pregled radnika -DIREKTNI SPORAZUM ZA DOSTAVU PONUDA-

I

Odobrava se pokretanje postupka javne nabavke usluga: Troškovi osiguranja sistematski pregled radnika.

Javna nabavka će se provesti putem direktnog sporazuma za dostavu ponuda.

II

Zakonski osnov za provođenje postupka javne nabavke je sadržan u članu 90. Zakona o javnim nabavkama – Direktni sporazum.

III

Procijenjena ukupna vrijednost iz tačke I ove odluke iznosi do 5.000,00 KM bez PDV-a.

IV

Finansijska sredstva za realizaciju ove nabavke obezbjeđena su Finansijskim planom Kantonalnog stambenog fonda Sarajevo za 2019. godinu, a vode se na Ekonomskom kontu broj: 5524/5501 – Troškovi osiguranja sistematski pregled radnika

V

Vrsta postupka javne nabavke: direktni sporazum.

VI

Kriterij za dodjelu ugovora je „najniža cijena“.

VII

Za realizaciju ove Odluke zadužuje se Odjel za pravne i ekonomske poslove.

VIII

Ova odluka stupa na snagu danom donošenja.





Obrazloženje

Odredbom člana 18. stav (1) Zakona o javnim nabavkama („Službeni glasnik BiH“, broj 39/14), propisano je da ugovorni organ pokreće postupak javne nabavke donošenjem odluke u pisanom obliku koja obavezno sadrži zakonski osnov za provođenje postupka javne nabavke, predmet nabavke, procijenjenu vrijednost nabavke, podatke o izvoru finansiranja i vrstu postupka javne nabavke.

Odredbom člana 90. Zakona o javnim nabavkama („Službeni glasnik BiH“, broj 39/14), propisano je da ugovorni organ nakon ispitivanja tržišta traži pismeni prijedlog cijene ili ponuda od jednog ili više ponuđača i pregovara ili prihvata tu cijenu kao uslov za konačni sporazum.

Odredbama čl. 2. i 5. Pravilnika Kantonalnog stambenog fonda Sarajevo, utvrđeno je da se postupak direktnog sporazuma primjenjuje za procijenjenu vrijednost roba/usluga/radova na godišnjem nivou u iznosu do 6.000,00 KM, ukoliko je tako što predviđeno planom nabavke Fonda kao ugovornog organa, a da se u postupku provođenja javne nabavke tržište ispita traženjem ponuda od jednog ili više ponuđača prije zaključenja Ugovora.

Planom Javne nabavke Kantonalnog stambenog fonda Sarajevo za 2019. godinu planirani su troškovi osiguranja sistematski pregled radnika pod stavkom 12. (dvanaest) usluge - direktni sporazum.

Potreba za konkretnom javnom nabavkom troškovi osiguranja sistematski pregled radnika iskazana je u realnim okvirima i kreće se do 5.000,00 KM, te je odlučeno da se pristupi provođenju nabavke putem direktnog sporazuma.

Finansijska sredstva za realizaciju ove nabavke obezbjeđena su Finansijskim planom Kantonalnog stambenog fonda Sarajevo za 2019. godinu i vode se na Ekonomskom kontu broj: 5524/5501 – Troškovi osiguranja sistematski pregled radnika.

Dostaviti :

- Odjel za pravne i ekonomske poslove
- Arhivi

